

四庫全書

史部

欽定四庫全書

史部

欽定續文獻通考卷一百二十七

給事中<sup>臣</sup>陳化龍覆勘

總校官內閣中書臣孫溶

欽定四庫全書

欽定續文獻通考卷一百二十七

兵考

郡國兵

御兵

宋寧宗嘉定二年十月命京湖制置司募逃卒及放散忠義以補廂禁軍額

至理宗紹定五年四月李日邁奏乞行下諸郡招選放散軍人驍勇可用者填廂禁軍闕額從之

三年二月詔楚州武鋒軍歲給累重錢如大軍例

臣等謹按此軍名見兵志禁軍門乾道之末諸州

都統司各軍目內

四年六月更定四川諸軍軍額

七年六月置嘉定府邊丁二十人以備蠻命制置安撫諸司給其費

時籍土丁之壯健者二十人月廩之俾守諸寨蠻人聞知有備遂不敢輕出抄掠

九年正月命諸州招填軍籍

十七年五月詔覈實兩淮京湖四川江上諸軍之數

時國子司業劉燭接伴金使於盱眙軍還言兩淮之地  
藩蔽江南干戈盜賊之後宜加經理必於招集流  
散之中就為足食足兵之計臣觀淮東其地平博膏  
腴有陂澤水泉之利而荒蕪實多其民勁悍勇敢習  
邊鄙戰鬪之事而安集者少誠能經畫郊野招集散  
亡約頃畝以授田使無廣占拋荒之患列溝洫以儲

水且備戎馬馳突之虞為之具田器貸種糧相其險  
易聚為室廬使相保護聯以什伍教以擊刺使相糾  
率或鄉為一團里為一隊建其長立其副平居則耕  
有警則守有餘力則戰帝嘉納之至理宗寶慶三年  
知滁州趙范上書史彌遠曰有過寇之兵有游擊之  
兵有討賊之兵今寶應之逼山陽天長之逼盱眙各  
增戍兵萬人遣良將統之此過寇之兵也盱眙之寇  
素無儲蓄金人亦無以養之不過分兵擄掠而食當

量出精兵授以勇校募土豪出奇設伏以勦殺之此  
遊擊之兵也維揚金陵合肥各聚二三萬人人物必  
精將校必勇器械必利教閱必熟紀律必嚴賞罰必  
公其心術念慮必人人思親其上而死其長信能行  
此半年而可以強國一年而可以討賊矣或謂揚州  
不可屯重兵恐連賊禍是不然揚州者國之北門一  
以統淮一以蔽江一以守運河豈可無備哉善守者  
敵不知所攻今若設寶應天長二屯以扼其衝復重

二三帥聞以張吾勢賊將不知所攻而敢犯我揚州  
哉紹定三年范又為書告廟堂請罷調停之議一請  
檄沿江制置司調王明本軍駐泰興港以扼泰州下  
江之捷徑一請檄射陽湖人為兵屯其半高郵以制  
賊後屯其半瓜州以扼賊前一請速調淮西兵合滁  
陽六合諸軍圍救江西朝旨乃許范刺射陽湖兵毋  
過二萬人就聽節制

王萬傳曰萬通判鎮江府論屯戍曰戎司舊分地



戍守殿步兵戍真陽六合鎮江兵戍揚楚盱眙建  
康馬司兵戍滁濠定遠都統司兵戍廬和安豐以  
至池司兵戍舒蘄巢縣江司兵戍蘄黃浮光地勢  
皆順皆以統制部之出外皆常有帥臣居內以本  
軍財賦葺營柵撫士卒備器械以故軍事常整辦  
遇警急則帥臣親統軍兵以行比乃有以建康馬  
帥而知黃州者都統而知光州者以池司都統而  
在楚州以鎮江都統而在應天者將不知兵兵不

屬將往往以本軍之財資他處之用以致營柵壞而莫脩士卒貧而莫給器械鈍而莫繕宜與盡還

舊制

名臣奏議曰禮部尚書魏了翁奏曰今凡江上諸軍皆非阜陵分隸之舊騎司之軍昔戍於滁濠定遠也今移之浮光建康戎司昔戍於安豐廬和也今移之泗水京口戎司昔戍於真揚楚秦高郵盱眙瓜州鹽城諸處也今置之新復諸郡池地戎司

昔戍於舒蕪巢縣也今置之淮東許浦諸處水軍  
昔處之近輔所以拱衛行都也今徙之東海自餘  
荆鄂四川軍分大抵皆非舊戍夫以京師之重獨  
有殿步二軍而近境諸屯皆戍極邊殆非防微杜  
漸之意臣愚謂宜急循舊制凡沿江沿海之卒置  
之舊屯而以時戍邊庶幾連營列柵聲勢連亘可  
以擬緩急之須可以消奸慝之萌昔王黼童貫既  
得幽之空城即移舊邊之戍以守新邊及新邊既

棄舊境亦失往鑒明甚而今之新進少年獨未知  
懲創乎此新復之郡既未可保而上江之備已為  
之一空臣愚謂宜急循阜陵分隸之舊宿師於江  
南而分戍於淮漢庶幾根本先固人心不搖既可  
以厚重門之守又可以省分券之費惟陛下曲留  
聖意

理宗紹定四年申嚴帥臣考州郡兵數

臣僚言州郡有禁卒有壯城有廂軍有土兵一州之

財自足以給一州之兵比年尺籍多虛月招歲補悉  
成文具蓋州郡吝養兵之費所招無二三逃亡已六  
七宜申嚴帥臣於郡守到罷具兵額若干逃故若干  
招填若干攷其數而黜陟之

汪綱傳曰綱提舉淮東常平上言曰州郡禁軍本  
非供役乃就糧外郡耳今不為戰鬪用乃使之供  
力役緩急戍守專倚大軍指日待更不安風土豈  
若土兵生長邊地墳墓室家人自為守耶當精擇

伉壯廣其尺籍悉隸御前軍額分擘券給以助州  
郡衣糧之功大率如山陽武鋒軍制則邊面不必  
抽江上之戍江上不必出禁閫之師生券更番勞  
費俱息矣

王霆傳曰霆為沿江制置幕官上言曰招募良家  
子不可以黃緣關節冒濫其間防守江面全藉正  
軍若義軍民兵特可為聲援耳而所謂大軍羸病  
者多兵械損舊豈不敗事調兵防江當於江岸創

屋居之使之專心守禦諸軍伍法既廢平居則無以稽其虛籍冒濫之弊糾其竄逸生事之人緩急則無以致其迸力向敵之志連其逃陣不進之心尉繚子所以著束部伍之令太公謂伍法為要者此也用兵不以人數多寡為勝負惟教習之精否則勝負之形可見矣

王萬傳曰萬通判鎮江府論用兵曰當以五千人為屯每屯一將二長一大將一路又合一大將而

併合於制置為總統淮東可精兵三萬光黃可二萬東西夾擊而沿江制司會合肥兵共二萬以牽制行則結營陣止則依城壘行則齎乾糧止則就

食州縣

嘉熙四年四川宣撫使孟珙條上流備禦

珙言宜為籬籬三層乞創制副司及移關外都統一軍於夔任涪南以下江面之責為第一層備鼎澧為第二層備辰沅靖桂為第三層峽州松滋須各屯萬



人舟師隸馬歸州屯三千人鼎澧辰沅靖各五千人  
榔桂各千人如是則江南可保矣

淳祐六年五月詔諸鎮募兵造舟置馬以嚴邊防

寶祐五年十一月詔京湖帥臣黃平清浪平溪分置屯  
戍

開慶元年正月詔戍蜀將士頻年戰禦暴露可憫命蒲  
擇之從優犒師春防畢日即與更戍其輒逃師者從軍  
令

時軍器少監牟子才言全蜀盛時官軍七八萬人通忠義軍為十四萬今官軍不過五萬而已宜招新軍三萬并撫慰田楊二家使歲以兵來如此則蜀猶可保否則不出三年蜀必亡矣

度宗咸淳六年三月詔贛吉南安三郡立砦屯兵

時三郡境數被寇雖有砦卒寇出沒無時莫能相救詔即要衝立四砦砦屯兵百使地勢聯絡禦寇為便三郡擇將官領之

雄淮軍

寧宗開禧三年九月命淮西轉運司措置雄淮軍嘉  
定元年江淮制置司汰雄淮軍歸農淮東揀刺八十  
餘人以補鎮江大軍及武鋒軍之闕淮西揀刺二萬  
六千餘人以為御前定武軍

義士壯士

寧宗時沈作賓知平江府請得節制許浦水軍詔可  
郡有使臣故海盜也作賓使招誘其黨既至慰勉之

又得強勇者幾千人置將以統之號曰義士復募郡城內外惡少亦幾千人號曰壯士衣糧器械皆視官軍而輕捷善鬪過之於是海盜不警市井無諱

民兵

寧宗嘉定十七年趙范知揚州務脩軍政籍民為半年兵春夏在田秋冬教閱官免建砦而私不廢農理宗嘉熙二年十月淮東總領財賦知鎮江府吳潛言宗子趙時暉集真滁豐濠四郡流民十餘萬團結十

七若其強壯二萬可籍為兵從之度宗咸淳四年四月右正言黃鑄言今守邊急務非兵農合一不可一日屯田二日民兵川蜀屯田為先民兵次之淮襄民兵為先屯田次之此足食足兵良策也不報

名臣奏議曰司令許應龍進故事曰臣聞民兵可用勝於官兵蓋邊陲之民迫近敵境而間探素審從事鞍馬而弓矢素精兼屋廬妻子皆欲其保護其自衛之計尤切今為之糾合使之捍禦非特國

之利亦民之利也但區處民兵要必有法蠲其力而使之安教以技擊而使之熟擇其精銳而重賞之則感激而思奮統以偶總而倡率之則緩急之足恃抑又有所當察者出戰則民兵當其鋒勝捷則官軍爭其賞既無所獲誰肯効力是以雖有民兵之名而未底安邊之績者其患實由於此必於奏凱之際為之分別官軍有功則賞官軍民兵得勝則賞民兵所行既公其誰不服比者官軍間有

敗衄闕額未補若就沿邊招募於勢尤便蓋其人  
精悍又習戰鬥使之戍守不惟省生券之費又且  
無調發之勞一舉而兩得實因時權宜之長策也  
又中書舍人袁甫乞團結民兵劉子曰臣聞方今  
邊面之患在乎兵少而力分蓋兵少則備疎力分  
則贍薄敵攻其虛如蹈無人之境本朝康定初契  
丹擾北元昊叛西可謂甚急矣始詔河北河東路  
強壯陝西京東西路新置弓手皆以二十五人為

團置團官四團為都置正副都頭各一人五都為指揮置使年二十係籍各置弓弩分番教習官日給糧二升河北在籍者二十九萬三千河東十四萬四千陝西亦十五萬而卒以此制西北兩路未聞事勢急遽之時而不可以行團結之策也臣之愚計謂宜急行下沿邊州郡舉行團結民兵之政其間或有規模已成者更須精加整葺務令頗密如其未曾結習之地宜及今嚴加要束亟為措置



處處有保甲人人知固守無枵虛踈薄之患有周  
圍捍禦之功此實當今至大至急之務也

臣等謹按團結民兵之法詳見於知漢陽黃幹之奏  
其法以五家為一小甲五甲為一大甲四大甲為一團  
長一里之內總數團長為一里正一鄉之內總數  
里正為一鄉官一縣之地分為四隅每隅之內總  
數鄉官為一隅官以察奸慝以護鄉井幹為臨川  
令行之三年人以為便此即應龍所謂統以隅總

而倡率之亦卽甫處處有保甲之說也

忠勇軍

寧宗嘉定時知隨州吳棗勝築隨州及棗陽城招四方亡命得千人立軍曰忠勇軍廩以總所闕額營柵器械悉備理宗紹定四年七月詔制總諸帥戎司凡忠勇死義之家並與優給其有子才藝異衆者令赴樞密院審視錄用之

三  
等謹按王圻續通考載參知政事李鳴復奏言

軍之有忠勇初以陝西弓箭手刺為之興洋曰義士金州曰保勝京西曰保捷而關中則謂之忠勇考兵志熙寧以後侍衛步軍內有忠勇之名在成都則川陝間皆有之也

### 忠義軍

寧宗嘉定二年四月江淮制置司言汝廬濠三州忠義軍歸農六月京湖制置司言放諸州新軍及忠義人歸農八年五月命利州路安撫司招刺忠義人十

年六月又招募京西忠義人十一年正月利州將麻仲率忠義人焚秦州永寧砦詔四川忠義人立功賞視官軍五月命四川制置司招進忠義人時淮東安撫司崔興之因滁有山林之阻創五砦結忠義民兵金侵淮西沿邊之民得附山自固金人自是疑設伏不敢深入

忠順軍

寧宗時知棗陽孟宗政招唐鄧蔡壯士二萬餘人號

忠順軍命江海總之衆不安制置司以宗政子珙代  
海珙分其軍為三衆乃帖然

### 茶商軍

寧宗時湖北茶商羣聚暴橫峽州教授鄭清之白總  
領何炳曰此輩精悍宜籍為兵緩急可用炳亟下名  
募之令趨者雲集號曰茶商軍後多賴其用

### 防江軍寧淮軍

理宗紹定初知建康趙善湘創置

招信軍

理宗紹定五年十月金將以盱眙軍來降改為招信軍

忠衛軍先鋒軍

理宗端平元年十一月京湖制置司創鎮北軍詔以襄陽府駐劄御前忠衛軍為名嘉熙三年正月知岳州孟珙復襄陽奏襄樊為朝廷根本非甲兵十萬不足分守乃以蔡息降人置忠衛軍襄鄂降人置先鋒

軍又開慶元年孫子秀知常州淮兵數百人浮寓貢院給餉不時死者相繼子秀請於朝創名忠衛軍置砦以居

忠毅軍

理宗嘉熙元年知臨安府趙與權招刺三千人為忠毅軍

寧武軍飛鵲軍

理宗嘉熙四年四川宣撫使孟珙招集麻城縣巴河

安樂礮管公店淮民三百五十有九人皆沿邊經戰之士號寧武軍又回鶻愛里八都魯帥壯士百餘老稚百一十五人馬二百六十匹來降創飛鶻軍

忠義軍虎翼軍

理宗嘉熙四年十一月詔荆鄂都統制張順以私錢招襄漢潰卒創忠義虎翼兩軍及援安慶池州有功特予官兩轉

山水寨



理宗淳祐三年六月資政殿學士知温州趙與權乞  
廢併諸寨增置鎮海寨兵以備倉猝從之十年十月  
詔准西疆場延袤八百餘里近令沿江制司團結耕  
屯漸已就緒但制閩置司江南相去差遠可令淮西  
提舉李子達就司空山創司提舉本路山寨

王圻曰李鳴復奏曰寨之有家計向者吳玠實創  
之岷曰仇池鳳曰秋防原階曰楊家崖成曰董家  
山是四者皆有險可恃有泉可飲又為之糧以食

為之屋以居無事則寓於州有事則歸於寨其為慮蓋甚悉也古人設險守國殆不過此吳曦之變以後邊帥欲築城以為守而家計寨之實遂廢曩時蜀帥又欲列柵以為固而山寨之役遂興夫謂之山寨與前所謂家計寨若類矣而實非也蓋家計寨凡四擇地利之絕險者為之而山寨則為數七十無其險也家計寨之設乃官與民相保聚其力足以捍敵而山寨則家自為活無其力也彩畫

成圖但說觀美多張虛勢無補實用是驅之使就死地也以山寨之受禍也而併與其足以避禍者廢而不葺亦未之思耳臣謂家計寨宜復舊者此也

### 武勝軍

理宗淳祐四年七月詔收沿淮失業壯丁為武勝軍以五千人為額

### 威敵軍

理宗景定二年知潭州汪立信以潭為湖湘重鎮創  
威敵軍所募精銳數千人後賴其用

是年襄陽被圍急立信移書賈似道曰內郡何事乎  
多兵宜盡出之江干以實外禦算見兵可七十餘萬  
人老弱柔脆十分汰二為選兵五十餘萬人而沿江  
之守則不過七千里若距百里為屯屯有守將十屯  
為府府有總督其尤要害處輒參倍其兵無事則汎  
舟長淮往來游徼有事則東西齊奮戰守並用刁斗

相調餽餉不絕互相應援以為聯絡選宗室親王忠  
良有幹用大臣立為統制分東西二府以蒞此上策  
也

鎮邊軍

度宗咸淳元年三月京湖制置司創置

武銳軍

度宗咸淳五年兩淮制置司李庭芝募汴南流民二  
萬餘人屯駐揚州號武銳軍

武定軍

恭帝德祐元年十一月元兵既破廣德軍陳宜中倉皇發臨安民年十五以上者皆籍為兵號武定軍

臣等謹按宋末有生券軍熟券軍

度宗咸淳九年四川制司有言

成兵生券人之語當即召募之民兵也熟券事無可徵

請糧軍通事軍

通事軍宋

以招納北地蒙古人為之

福建畚軍手號軍手記軍涇手軍

此三

軍當異名而同實恭帝初有執民為兵盡涇刺之之事涇刺本宗時舊制也

江南鹽徒

軍土兵之名宋史中皆不詳載元史中每有宋亡

後招集其遺軍之事今摘錄其名於此

又按兵志載熙寧以後之制凡河北改號崇勝四川  
路步軍騎軍之額其總名如河北改號崇勝四川  
改號克寧之類通考皆已載入而其各指揮之名  
考史文於分注中皆無中興以後故皆不載而備  
錄建炎後禁廂二條於左以補通考所未備

建炎後禁廂兵威果

安吉嘉興抗平江常嚴鎮江紹興  
慶元溫台婺處隆興江寧國南康

潭永衡道邵武建寧  
南劍全福興化潭汀

全捷

中興立杭婺安吉平江  
泉鎮江紹興慶元寧國

寶應 雄節 杭安吉嘉興平江常嚴溫頌 武衛 鎮江

溫 威捷 杭溫鎮江 雄捷 中興立 威勝 中興立寶

翼虎 中興立 雄畧 中興立吉潭永衡 忠節 中興立

臨江寧國江建 武雄 撫隆興江建昌吉興國 靖安

中興立 靜江 桂陽郴 廣節 中興立邵武福漳 廣二

廣三指揮 中興立全親効 澄海 廣循連南雄封英

賀德慶昭 高欽雷

建炎後廂兵武嚴宣効壯役 中興立 備軍 中興立 神衛



剝員

中興 剝員 衛步軍

廣豐倉剝員

中興 立

廣効

中興 有 揀 中 廣

効 在 廣 効 立 字 當 作 上 字 按

御營喝探

中興 在 京 師

武和

開 封 一 指 揮 中

與 在 右 二 指 揮 在 京

武肅

中興 在 京 師

忠靖

一 指 揮 開 化 屬 步 軍

奉化

屬 步 軍 三

指 揮 中 興 有 揀 中 奉 化 在 奉 化 上

勁勇

京 在

崇勝

一 指 揮 中 興 有 揀 中 崇 勝 在 崇 勝 上

雄猛

一 指 揮

保寧

中興 有 揀 中 保 寧 在 保 寧 上

寧淮

中興 在 淮 南

捍江

杭宣節

中興 在 廣 慶 漳 永 武 同 柳 銜 全 柱 陽 靖 道 沅

効勇

中興 在 東 西

保節

中興 五 指 揮

克寧

中興 四 川

寧江

中興 立 一 指 揮

清化

中興 廣 西

牢城

諸 州

以 待 有 罪 配 隸 人

崇節

中興 杭 安 吉 平 江 江 陰 常 嚴 鎮 江 溫 慶 元 台 安 江 東 西 按 奉 化 本

京東路總軍名勳武本京西路總軍名崇勝本河  
北路總軍名雄猛本河東路總軍名保寧本陝西

路總軍名寧淮本淮南路總軍名宣節本荆湖路  
總軍名勳勇本江南路總軍名保節本福建路總

軍名克寧本四川路總軍名清化本廣南路總軍  
名崇節本兩浙路總軍名皆見史志與通考自中

興之後京東京西河北河東陝西五路之地皆已  
屬全故此五路軍名分注中並不書其在何地大

約地既失而軍名尚存耳餘諸軍皆各著其地與  
前各路相合惟福建仍屬宋地而保節不書地名

當是偶  
建之耳  
開江中興江中興橫江中興平江中興寧節中興台福寧  
同建寧靖

清務中興山場中興効勇中興隆興中興撫頭中興建昌中興  
國南安表吉臨江寧國

南靖安中興立隆  
東中興常德  
靜江中興二指  
威果見禁  
雄畧中興四指

揮

澄海

中興武國全

豐國監

中興立建寧

駕網

中興立

長運

中興

立脩江

中興杭

都作院

中興杭

小作

中興立杭

清河湖

中興立杭

開湖司

中興立杭

壯城堰

中興立杭

西河廣濟

中興立杭

樓店務

中興立杭

長安堰閘

中興立杭

壯城

帥府望郡立之

鼓角匠船務

中興

立杭

按自豐國監以及在杭諸軍皆所以備給使工役之事非可用以戰守者今以其亦為軍名

故依史志

備列之

又按兵志所載建炎後鄉兵皆已載馬端臨考

通考

於南渡後所列鄉兵之目核之兵志惟少槍杖手與湖南鄉社二軍然通考已於北宋時類叙之矣

福建槍杖手通考言紹興五年罷之兵志中失載此語

兵志於光宗寧宗而

後鄉兵之制絕無紀載惟書山水砦兵亦詳列於

左

建炎後砦兵兩浙西路臨安府十三砦

外沙海內管界茶槽

南蕩東棹上管赭山黃灣砦石奉口許村下塘

安吉州七砦

管界安吉秀塞呂小幽嶺

下塘北

平江府八砦

吳江吳長許浦福山白茅江灣楊林角頭

常山五

砦

管界小河馬跡香蘭分界

江陰軍二砦

申港石牌

嚴州五砦

咸平港口

鳳林茶山管界

兩浙東路慶元府十砦

浙東結琦三姑管界大嵩海口白峯

岱山鳴 鶴公塘 温州十三砦 城下管界館頭青奧梅與鹿

小鹿 台州六砦 管界亭場吳都 處州二砦 管界 江

南東路南康軍五砦 大孤山水陸四 江南西路隆

興府七砦 都迎鄆子松門港 撫州七砦 城南會田

旗步招 江州六砦 管界江內菱石馬 興國二砦 池

湖 袁州四砦 都迎四縣 臨江軍三砦 水軍水 吉州

十六砦 富田走馬膝永和鎮觀山明德沙溪西平

鄉黃 荆湖南路永州三砦 都巡同 寶慶三砦 黃

西縣 盧溪 柳州五砦 管界安福清 武岡軍十砦 三門石

岳溪臨口 閩峽黃 道州四砦 管道寧遠 金州四砦

石新寧綏寧永和 上軍角口 吉寧平塘 福建路邵武軍十砦 同巡檢大寺水口

安永平軍 口梅口 建寧府七砦 黃琦籌嶺盆亭麻 南劍州

八砦 滄峽洛陽浮流巖前 泉州五砦 都巡同巡石

福州四砦 章嶺甘蕉 興化軍二砦 同巡 漳州二砦

同巡 虎嶺 廣西路賀州二砦 臨賀 昭州四砦 昭平靈峒

欽州二砦 西縣 管界

富川 昭平靈峒 西嶺直山

遼太祖神冊元年十二月收山北八軍

太宗大同元年魏博節度使趙延壽請以晉降卒戍南邊從之

時晉軍降者二三十萬人遣杜重威將之南行及河  
帝以兵衆恐為變欲悉擁而納之河流以言者諫而  
止次陳橋久雪士卒凍餒咸怨重威相聚而泣帝意  
猶欲誅之延壽請盡徙其家於恒定雲翔之間每歲  
分番使戍南邊可以無患帝悅而從之

聖宗統和初總南面軍務耶律休格均戍兵立更休法  
四年十一月置諸部監勒所部各守營伍毋相錯雜  
興宗重熙初西北路招討使耶律達魯請減軍籍三十  
二百八十人

十五年七月籍諸路軍

二十年十月括諸道軍籍

道宗清寧二年六月命有司籍軍補邊戍

四年三月募天德鎮武東勝等處勇捷者籍為軍



大安九年十月遣使籍諸路兵

天祚帝天慶四年詔中京上京長春遼西四路計戶產  
出軍

時初敗於女直召南府宰相張琳付以東征事琳以  
軍國大計舊制漢人不與辭不允乃奏曰前日之敗  
失於輕舉若用漢兵二十萬分道進計無不克者帝  
許其半仍詔中京等四路計戶產出軍時有起至二  
百軍者生業蕩散民甚苦之四路軍甫集尋復遁去

五年六月籍諸路兵有雜畜十頭以上者皆從軍

契丹國志曰高永昌叛於渤海使張琳討之始招所謂轉戶軍蓋遼東渤海乃夙所仇若其轉戶則使從良庶幾捐軀奮命命下得兵二萬餘

七年十二月遣伊勒希巴扎拉與太公鼎諸路募兵

契丹國志曰耶律淳僭號之初漢軍多而蕃軍少蕭幹建議籍籍東西奚二十餘人及嶺外南北大王伊寶王皮室伊喇司遼民竄山谷沙漠間者令州

縣招之得萬餘戶戶選一人為軍支贍家錢三十貫謂之瘦軍

大首領部族軍

遼時親王大臣體國如家征伐之際往往置私甲以從王事大者千餘騎小者數百人著籍皇府國有戎政量出三五千騎留餘兵為部族根本有太子軍偉王軍永康王軍千越王軍麻答軍五押軍

衆部族軍

臣等謹按約尼九帳族橫帳三父房族國舅帳巴哩伊蘇濟勒族國舅部族此營衛志中標曰內四部族者也此外衆部族兵衛志云分隸南北府守衛四邊顧以營衛志中所列參考不無同異今據二志互為証訂詳列於左

隸北府者二十八部

侍從宮帳者奚王府部

鎮南境者五院部六院部

兵衛志言北王府錫哩軍南王府錫哩軍即五院六

院部所云南北府乃南北大王府實皆屬北宰相府也奚王府部五六院部與南府所屬之伊實部所謂四大王府為大部族也

屬東北路招討司者威部

屬東北路統軍司者奚六部初奚有五部曰約囉伯特敖拉美嘉綽里特降於太祖號五部奚天贊八年又置托輝部遂號六部奚聖宗合敖拉美嘉托輝三部為一專號敖拉部特置南剋部北剋部以足六

部之數

臣等謹按此奚王府六部即所謂侍從宮帳之奚王府部也既云侍從宮帳為大部族何列於小部族而屬東北路招討司乎考營衛志云教拉部自統和十二年合三部為一本屬奚王府聖宗分置又云統和二年此二年當是十二年之誤以奚府二剋分置南北二部又云縵里特部居潭州北約囉部居潭州北二州間伯特部松山平州之間又云奚王和碩龍討烏舍敗績籍六部隸北府以此度之當是未分

置以前專備侍從宮帳不屬統軍司所轄及後或合或分之後始屬東北路或仍有兼侍從者未可知也綽里特部兵衛志中不載當是偶遺之耳

屬東北路統軍司者又有圖嚕部珠辰達嚕嚕部河西  
西部

臣等謹按營衛志又有巴爾斯布古德部聖宗置隸北府屬東北路統軍司戍境內居境外兵衛志中不載不知何故

屬西北路招討司者圖魯卜部室韋部阿雅女直部

且等謹按兵衛志西北路招討司所屬止此三部

營衛志中又有圖魯卜室韋部本名大小二黃室

韋戶太祖置為二部隸北府屬東北路統軍司戍

泰州東北又有納喇諾觀部營衛志云與圖魯卜

室韋部同節度使戍泰州東百官志北面部族官

中亦有此部名兵衛志中皆不載

屬西南路招討司者納喇部烏庫哩部

營衛志作烏  
爾古納喇部



亦曰漢  
離部

納喇永安部 默古斯部 吉達部 釐奇特唐古

部 呼喇唐古部

自納喇永安以下皆衛志皆作屬西南西  
南西招討司函字與路字其義當同

也

屬黃龍府都部署司者烏延突厥部 阿雅突厥部 北

唐古部

營衛志云南唐古部聖宗  
置隸北府兵衛志則屬南府

五國部

博和哩  
國博諾

國鄂羅木國伊塔國國伊呼呼  
國皆於聖宗時來附合置為部

屬烏爾古德呼勒統軍司者達嚕特迪里部

成威烏爾古部者北德呼勒部

臣等謹按營衛志中又有圖吉部

其初由圖嚕隸  
卜部分出

南府亦戍威烏爾古部兵衛志隸南北中皆不載

隸南府者十六部

鎮駐西南境者伊實部

屬西南路招討司者匹勒部

此據兵衛志書營衛志  
則云隸北府屬西北路

招討司系  
和孰是

達勒達德呼勒部匹勒達嚕噶部伊德女

直部

和德女直營衛志止言  
隸南府缺屬某路討

臣等謹按營衛志又有阿敦烏爾古部聖宗置隸

南府屬西南面招討司戍黑山北兵衛志中不載  
不知何故

屬西北路招討司者卓特部

屬東北路統軍司者塔瑪布古德部

屬東北路女直兵馬司者伊實阿爾威部

臣等謹按兵衛志於伊實阿爾威部下有自東京  
都部署司至伊實阿爾威部行文六行

屬東京都部署司者卓特阿爾威部揚珠部

按管衛志云陞

拉噶部揚珠部諾延昭部本皆奚之三營降於太祖聖宗各置為部皆隸南府以備畋獵之役薩拉噶居澤州東揚珠部居澤州南皆不言所屬諾延昭部不言其居而言屬東京都部署司兵衛志則東京都部署司下止揚珠一部而薩拉噶則屯駐本境

諾延昭部缺焉其異同處無可詳考

刷部克珍部

戍倒塌嶺者鄂博庫部

臣等謹按營衛志鄂博庫部不言何屬止云與薩

拉噶三部同居望雲縣東又有特哩特默部聖宗所置隸南府戍倒塌嶺居素馳岡兵衛志中又不載其中必有錯誤無可詳考

屯駐本境者薩拉噶部南唐古部色克圖部

臣等謹按南唐古部營衛志云隸北府色克圖部  
營衛志亦云隸北府居慈仁縣北屬東北路統軍  
司與兵衛志異未知孰是

又按營衛志云太祖以約尼氏舊部族分置者十  
部增置者八聖宗以舊部族置者十六增置十八  
合之當得五十二部兵衛志分隸南北府者止四  
十四部凡兵衛志所無者今皆增入按語內而其

缺載之故則無可考

又按營衛志有遼國外十部曰烏爾古部德呼勒  
八部咸古特部輝發部頁穆部武都温部特爾格  
部回鶻部長白山部博囉滿達部不能成國附庸  
於遼時叛時服猶唐人之有羈縻州則其兵卒當  
亦非常供遼所驅策者也

五京鄉丁

上京臨潢府統轄有丁一十六萬七千二百

東京遼陽府統轄有丁四萬一千四百

南京析津府統轄有丁五十六萬六千

西京大同府統轄有丁三十二萬二千七百

中京大定府統轄丁籍莫考可見者三韓縣丁一萬

已上五京民丁可見者一百一十萬七千三百為鄉

兵

屬國軍

遼屬國可紀者五十有九朝貢無常有事則遣使徵

兵或下詔專征不從者討之助軍衆寡各從其便無  
常額

臣等謹按屬國軍其目皆見兵衛志及百官志中  
北面屬國官此不備列

邊境戍兵

東京至鴨綠西北峯為界黃龍府正兵五千咸州正  
兵一千

東京沿女直界至鴨綠江軍堡凡七十各守軍二十



人計正兵一千四百

來遠城宣義軍營八太子營正兵三百大營正兵六  
百蒲州營正兵二百新營正兵五百加陀營正兵三  
百玉海城正兵三百柳白營正兵四百沃野營正兵  
一千

神虎軍城正兵一萬太康十年置

右一府一州二城七十堡八營計正兵二萬二千

臣等謹按以上所列邊境戍兵皆東境邊戍備高

麗女直者也史志不能詳載各邊軍數故云其立國規模布置簡要舉一可知三邊

又按百官志北面邊防官中其軍名可志者長春

路諸司內有黃龍府鐵驪軍

軍名亦見重熙九年十一月紀

南京

諸司內有侍衛控鶴燕京禁軍南皮室軍北皮室

軍西京諸司內有金肅軍西北路諸司內有契丹

軍吐渾軍舒嚙軍禁軍奚王府舍利軍大室韋軍

小室韋軍北王府軍特們軍羣牧軍宮分軍西北

路金吾軍西北路禁軍東路諸司內約囉等十軍  
凡此官名中之帶軍名者或有專見於此如金肅  
軍之類或有共見他處如禁軍侍衛控鶴皮室軍  
室韋軍之類皆用以防邊者也

又按契丹國志渤海有子弟軍天慶四年八月遣  
海州刺史高仙壽統渤海子弟軍三千人應江寧  
援是也

金太祖天輔二年三月命羅索為萬戶戍黃龍府

羅索言黃龍府地僻且遠宜重戍守乃命合諸路穆昆以羅索為萬戶鎮之

熙宗天眷二年詔諸州郡不得從元帥擅使斂軍俟見御畫牌劄方許斂發

時宗盤達蘭謀叛之後故有是詔

海陵貞元元年遷都於汴後遂徙上京路太祖遼王宗幹秦王宗翰之明安併為哈濟明安及右諫議沃哩布明安太師勗宗正宗敬之族處之中都鄂倫和尚呼喇

三國公太保昂詹事烏里頁輔國博勒和定遠蘇勒庫  
果國公伯特八明安處之山東阿魯之族處之北京詣  
達族屬處之河間

二年命兵部尚書蕭仲恭等與舊軍皆分隸諸總管府  
節度使授田牛使之耕食以蕃衛京國

正隆四年二月調諸路明安穆昆軍年二十以上五十  
以下者皆籍之雖親老丁少亦不許留侍

時他使者惟恐不如詔書得數多獨富察世傑往海

蘭路得數少海陵怪問之對曰海蘭地接高麗今若多籍其丁即有緩急何以為備海陵喜曰他人用心不能及也尚書令諾延溫都思忠言山後契丹諸郡恐未可盡起不聽

五年七月遣使僉諸路漢軍

六月四月遣使徵諸道兵

以將南伐立三道都統制府及左右領軍大都督將三十二軍以神策神威神捷神銳神毅神翼神勇神

果神畧神鋒武勝武定武威武安武捷武平武成武  
毅武銳武揚武翼武震威定威信威勝威捷威烈威  
毅威震威畧威果威勇為名軍置都總管副總管及  
巡察使各一員

大金國志曰時聚兵將南征令戶部尚書梁球兵  
部尚書蕭德溫先計女直契丹奚家三部之衆不  
限丁數悉僉起之凡二十四萬壯者為正軍弱者  
為伊勒希一正軍一伊勒希副之類為一十二萬

又中原漢兒與渤海軍總一十七路惟中都路造軍器河南路修汴京免僉外其一十五路每路一萬通為二十七萬效唐制分二十七軍軍數一定遂以百戶為穆昆千戶為明安萬戶為統軍其統軍則有正副諸軍悉令番漢相兼無獨用一色人者

瓜爾佳呼喇傳曰正隆末山東盜起山東路統軍司選諸軍八百人作十謀克命行軍瓜爾佳呼喇



將之與驍騎軍皆隸點檢司

思敬傳曰大定二年思敬以副元帥經畧山東初  
明安穆昆屯田山東各隨所受地主散處州縣世  
宗不欲明安穆昆與民戶雜處欲使相聚居之遣  
戶部郎中完顏讓往元帥府議之思敬與山東路  
總管圖克坦克寧議曰大軍方進伐宋宜以家屬  
權寓州縣量留軍衆以為備禦俟邊事寧息明安  
穆昆各使聚居則軍民俱便還奏帝從之其後遂

以明安穆昆自為保聚其田土與民田犬牙相入者互易之

世宗大定三年詔河北山東等路所僉軍有父兄俱亡

亡字疑已  
字之記

充甲軍子弟又為伊勒希恐其家更無丁男

有誤農種與免一丁以驅丁充伊勒希無驅丁者於本

明安穆昆內驗富強有驅丁者僉充

五年與宋和好已定罷兵命元帥府諸新舊軍以六萬人留成餘並放還

布薩忠義奏官軍一十七萬三千三百餘人留馬步  
軍一十一萬六千二百屯戍帝曰今已許宋講好而  
屯戍尚多可除舊軍外選馬一萬五千伊勒希稱是  
步軍虞候司軍共選一萬五千及僉發軍一萬與舊  
軍通留六萬富強丁多者摘留貧難者伊勒希官給  
富者就用其奴其存留馬步軍於河北東西大名府  
率賓呼爾哈會寧咸平府濟州東京哈斯罕等路軍  
內揀取其西南西北招討司臨潢府泰州北京博索

海蘭山東東西路並行放還

十二年徙東北等戍邊漢軍於內地

十七年遷西南西北招討司契丹餘黨於烏庫哩實壘壘部及上京之地又以兩路招討司及烏庫哩實壘部族臨潢泰州等路分置堡戍

初叅知政事宗叙嘗請募貧民戍邊屯田給以廩粟貧者無艱食之患而富家免更代之勞得專農業帝善其言而未行也至是帝謂宰臣曰戍邊之卒歲

冒寒暑往來蕃休以馬牛往戍往往皆死且奪其農  
時敗其生業朕甚憫之朕欲使百姓安於田里而邊  
圉強固卿等何術可以致此左丞相赫舍哩良弼曰  
邊地不堪耕種不能久戍所以蕃代耳帝曰卿等以  
此急務為末事耶往歲叅政宗叙嘗為朕言此事若  
宗叙可謂盡心於國家者矣今以兩路招討司烏庫  
哩實壘部族臨潢泰州等路分置堡戍詳定以聞  
十八年命部族亂軍分番守邊

二十年詔戍邊軍士年五十五以上許以其子及同居弟姪承替以奴代者罪之

二十一年三月詔遣大興尹完顏朶果斯遷河北東路  
兩明安

帝曰朕始令移此欲令與女直戶相錯安置久則自  
相姻親不生異意此長久之利也今者伊瑪河明安  
相錯以居甚符朕意而約羅河明安不如此可再遣  
兵部尚書張納延按視其地以雜居之

二十三年遣刑部尚書伊喇噶遷山東東路八穆昆處之河間其棄地以山東東路特赫河明安下扎哈穆昆額勒敏鄂勒歡明安下錫布穆昆佛們山穆昆九村人戶徙於瑠僧安和二穆昆之舊地其未徙者之地皆薄惡且鄰寇遣使詢願徙者相可居之地圖以進

二十四年十一月尚書省奏徙率賓呼爾哈三明安二十四穆昆以實上京

時以上京刷和倫之地廣而股遣刑部尚書烏哩頁

出府庫錢以濟行資牛畜遷速頻一明安呼爾哈二  
明安二十四穆昆以實之蓋欲上京兵多他日可為  
緩急之備也二十五年四月又詔於率賓呼宗哈兩  
路明安下選三十穆昆為三明安移置於率督畔窟  
之地以實上京

是時多易置河北山東所屯之舊括民地而為之業  
戶頒牛而使之耕畜甲兵而為之備乃大重其權授  
諸王以明安之號或新置者特賜之名宗室戶百七



十明安二百二穆昆千八百七十八東北路部族纒  
軍曰德呼勒部曰唐古部二部五纒其他又有珠嚕  
部族烏爾古部族實壘部族蒙古部族奇嚕部族布  
塔布部族西北西南二路之纒軍曰蘇穆坦纒曰伊  
塔圖纒曰古勒敦纒曰唐古纒曰哈瑪爾纒曰穆騰  
纒曰蒙古纒曰茂纒曰呼敦纒凡九其諸路曰海蘭  
曰扶餘曰博索曰率賓曰呼爾哈曰伊蘭伊蘭後廢  
皆在上京之鄙或置總管府或置節度使領之

二十六年十月詔增河防軍數

章宗明昌三年七月詔增壯邊軍千二百人分置諸堡  
泰和四年六月罷西北路鎮防十三千戶

六年四月盡徵諸道籍兵

時河南統軍司奏請益兵備宋詔平章政事布薩揆  
為河南宣撫司籍諸道兵

十一月起河南民兵十七萬入淮十萬入荆襄又起河  
北十萬戍居庸關及韓水大鷄川以防北邊

衛紹王大安三年十二月僉陝西兩路漢軍五千人赴  
中都

時又選籍山西士為兵

宣宗貞祐二年正月都提控李英令壯士李雄等招募  
軍民旬日得萬餘人擇衆所推服者領之

伊喇托卜嘉傳曰伊喇托卜嘉為彰化軍節度使  
上言河東地險人勇步兵為天下最可盡調以戍  
諸隘從之自是河東郡縣屯兵少不可守矣

三年四月遣使同山西宣撫司選其民勇健者為軍又諭田琢留山西流民少壯者充軍

時朝廷欲起代州戍兵五千宣撫使胥鼎上言嶺外軍已皆南徙代為選要正宜益兵保守今更損其力一朝兵至何以待之平陽以代為藩籬豈可撤去尚書省奏宜如所請詔從之

八月分渭南州郡步兵屯平原令宣撫使治邠州副使治同州之澄城以統之更以步騎守汧渭諸津又增步

軍萬人戍京以西四萬戍京以東

十月以同華舊屯陝西兵及河南所移步騎舊隸陝州宣撫司者改隸陝西行省

初同華舊屯陝西軍及河南步騎九千餘人皆隸陝州宣撫使永錫至是丞相布薩端奏潼關之西皆陝西地請此軍隸行省緩急可使朝廷從之

十一月詔河北西路宣撫副使田琢徙其兵屯陝

時河北行省侯執入見奏河北兵食少請令河北宣

撫副使田琢汰遣老弱就食歸德琢奏此輩嶺外失業父子兄弟合為一軍若離而分之定生他變乞以全軍南渡或徙衛州防河詔盡徙屯陝

四年四月罷河北瀕河州縣寨官

監察御史陳規上言河北瀕河州縣率距一舍為一寨籍居民為兵數寨置總領官一人並以宣差從宜為名其人大抵皆閑官義軍之長偏裨之屬尤多無賴輩徵逐宴飲取給於下日以為常及敵至則伏匿

不出敵去騷動如初臣謂宜皆罷之第委宣撫司從  
宜措畫足矣制可

十月詔宿糧州縣屯兵其僉民為兵者就署隊長以自  
防遏

時元兵取潼關次嵩汝間御史臺請以陝西兵扼拒  
潼關與右副元帥富察伊爾必斯為犄角之勢選在  
京勇敢之將十數人各付精兵數千隨宜伺察且戰  
且守復諭河北亦以此待之詔付尚書省平章政事

珠格高琪奏曰臺官素不習兵備禦方畧非所知也  
遂寢高琪止欲以重兵屯駐南京以自固州郡殘破  
不復恤也

是月招撫使完顏仲元上書陝西一路最為重地潼  
關禁坑及商州諸隘俱當預備向者中都居庸最為  
要害乃由小嶺紫荆遠出我軍腹背受兵卒不能守  
近日由禁坑出遂失潼關當選精兵分地戍之其後  
乃置秦藍守禦



十二月勅諸州縣僉籍軍民以備土寇

興定元年十二月籍瀕河埽兵

三年閏三月以南伐師還罷南邊州郡籍民為兵者

時翰林直學士行三司事李復亨上言近日興師伐宋恐宋人乘虛掩襲南鄙故籍邊郡民為軍今大軍已還乞罷遣歸本業從之

四月選陝西步騎精銳六千人實京兆又選精銳六萬分屯平涼涇邠乾耀等州

八月命樞密遣官簡嶺外諸軍之武健者養之彰德邢洛衛濬懷孟等處城弱者罷遣

五年十月分京畿戍卒萬二千河中民兵八千以許州元帥赫舍哩鶴壽將之屯潼關西

陳規傳曰貞祐四年七月規為監察御史上言今之將帥大抵先論出身官品平居則意氣自高遇敵則首尾退縮將帥既自畏怯士卒又誰肯前又居常哀刻納其饋獻士卒因之以擾良民而莫可

制以此責其畏法死事豈不難哉况今軍官數多  
自千戶而上有萬戶有副統有都統有副提控號  
令不一動相牽制竊聞國初取天下元帥而下惟  
有萬戶所統軍士不下數萬人專制一路豈在多  
哉多則難擇少則易精今之軍法每二十五人為  
一穆昆四穆昆為一千戶穆昆之下有佛寧一人  
旗鼓司火頭五人其任戰者纔十有八人而已又  
為頭目選其壯健以給使令則是一千戶所統不

及百人不足成隊伍矣古之良將常與士卒同甘苦今官軍既有廩俸又有養糧一日之給魚數十人之用將帥則豐飽有餘士卒則饑寒不足曷若裁省冗食而加之軍士哉伏乞明勅大臣精選通曉軍政者分詣諸路編列隊伍要必五十人為一穆昆四穆昆為一千戶五十戶為一萬戶謂之散將萬人設一都統謂之大將總之帥府數不足者皆併之其副都副提控及無軍虛設都統萬戶者

悉罷省仍勅督院大臣及內外五品以上各舉方  
畧優長武勇出衆材堪將帥者一二人不限官品  
以充萬戶以上都統元帥之職千戶以上選軍中  
有謀畧武藝為衆所服者充申明軍法居常教閱  
必使將帥明於竒正虛實之數士卒熟於坐作進  
退之節至於弓矢鎧仗須令自負習於勞苦若有  
所犯必刑無赦則將帥得人士氣日振可以待敵  
矣帝覽書不悅詔付尚書省詰之

臣等謹按宣宗南渡後國家多事臣下之談兵者紛紛競起然多不見施行且所言無當此陳規所言二十五人為一穆昆考志言南渡時盡以河朔戰兵三十萬分隸河南行樞密及帥府往往蔽匿強壯驅羸弱使戰不能取勝後乃遂至如規所言不成隊伍矣

元光元年正月詔徙中京唐鄧商號許陝等州屯軍及諸軍家屬赴京兆同華就糧屯

十月徙彰德招撫使杜光軍於衛州

二年五月徙晉陽公郭文振兵於益州又徙權平陽公  
史詠兵於解州河中府

八月立民兵砦長

時遣官分行蔡息陳亳唐鄧裕諸州洎司農司州縣  
吏全議凡民丁相聚立砦避兵與各巡檢司相依者  
五千戶以上署砦長一員百戶增副一員仍先遷一  
官能安民弭盜勸農者論功注授

實嘉紐勒琿傳曰時實嘉紐勒琿為昌武軍節度使上言商洛重地西控秦陝東接河南軍務繁密宜選才幹之士為防禦使攝帥職以鎮之又舊來諸隘守禦之官並從帥府辟置其所辟者多其親暱植產營私專事漁獵及當代去又復保留此最害之甚者宜令樞密選舉以革其弊又州之戍兵艱於餽運亦合依土屯田以免轉輸之費又言每年防秋諸隘守者不過數十人餘衆盡屯保安石



門大荆洛南以為應援中間相距遂至百里倉猝豈能徵集宜近隘築營徙見兵居之以待緩急又南邊新設巡檢十員兵卒千人此乃平時以詰奸細者已有大軍宜悉罷去朝廷畧施行之

十月徙晉陽公郭文振等兵於衛州

又詔石壕店沔池永寧縣各屯兵千人

十二月徙沿淮巡檢邊軍於內地

哀宗天興元年十月詔徵諸道兵入援

二年七月遣使分詣諸道選兵會於蔡得精銳萬人  
十月徵諸道兵

渤海軍

渤海八明安之軍也太宗天會四年七月出金牌命  
貝勒岱剌以所領渤海軍八明安為萬戶

奚軍

奚人約尼札古雅九明安之兵也奚軍初徙於山西  
後分遷河東

漢軍

凡漢軍有事則僉取於民事已則或亦放免其長勝軍則天會間郭藥師所統而降者皆遼水側人也以鄉土歸金皆愁怨思歸左副元帥宋王宗望令罷還正隆間又嘗罷諸路漢軍而所存者猶有威勇威烈威捷順德及韓常之軍之號

中都永固軍

大定時置

鎮防軍

諸軍中取以更代戍邊者宣宗興定五年五月知延安府完顏哈達上言河南陝西鎮防軍皆分屯諸路在營惟老稚而已乞選老成人為各路統軍以鎮撫之且督其子弟習騎射將來可用詔從之

保甲軍

臣等謹按此軍見前兵制泰和八年閏四月條內分番屯戍軍

永屯軍

驅軍

金初所免遼人奴婢使屯守秦州者以上三軍皆在  
西北邊

邊鋪軍

守河南陝西邊界者

河東三虞候順德軍

諸路効節軍

章宗所置掌司弓手者京府節鎮設三十人防刺設  
二十人

威勇軍

宣宗興定二年選募河南陝西弩弓軍二千人為一  
軍賜號威勇

射糧軍

諸路所募五年一籍皆刺三十以下十七以上強壯  
者兼充雜役章宗明昌六年十一月禁射糧軍應役

但成隊伍不得持兵器及可以傷人者衛紹王崇慶  
元年五月僉射糧軍一萬赴中都宣宗貞祐四年十  
一月放免諸司局射糧兵卒嘗選充軍者

牢城軍

司防築之役以嘗為竊盜者充之

土軍

司警捕之事

義軍

宣宗貞祐三年瓜爾佳實倫同知太原府事奏請招  
集義軍設置長校各立等差都統授正七品職副統  
正八品萬戶正九品千戶正班任使穆昆雜班仍三  
十人為一穆昆五穆昆為一千戶四千戶為一萬戶  
四萬戶為一副統兩副統為一都統外設一總領提  
控制可

兵志曰自穆昆至都統皆復國初之名也  
然又外設總領故時皆稱元帥為總領云

臣等謹按義軍又名忠義軍又選為飛虎軍已見

禁衛兵內



弓箭手軍

章宗泰和五年五月詔河南宣撫使布薩揆於臨洮  
德順秦鞏各置弓箭手四千人八月奏罷宣宗貞祐  
三年九月樞密院言西邊弓箭手有才武出衆獲功  
未推賞者令宣撫司覈實以聞從之時詔諸道按察  
司講究防秋陝西按察轉運使盧庸陳便宜曰自廊  
延至積石雖多溝坂無長沙大山屏蔽恃弓箭手禦  
侮其人皆剛猛善鬪熟於地利夏人畏之向以徙屯

他所故多邊患須令人情樂土且耕且戰緩急將自  
奮也四年十一月平西軍節度使訥罕富拉塔言陝  
西弓箭手不習騎射可選善騎者代之興定二年六  
月樞密院言元兵南下意不在河北而在陝西河東  
各路義兵土兵番漢弓箭手宜於農隙教閱以備緩  
急

決勝軍

宣宗興定二年七月籍邳海等州義軍及脅從歸國

而充軍者人給地三十畝有力者五十畝仍蠲差稅  
日支糧二升號決勝軍

侯摯傳曰摯權移邳州行省上言東平以東累經  
殘毀至於邳海尤甚海之民戶曾不滿百而屯軍  
五千邳戶僅及八百軍以萬計夫古之取兵以八  
家為率一家充軍七家給之猶有傷生廢業疲於  
道路之難今兵多而民不足使蕭何劉晏復生亦  
無所施其術伏見邳海之間貧民失業者甚衆日

食野菜無所依倚恐因而嘯聚以益敵乞募選為  
兵自十月給糧使充戍役至二月罷之人授地三  
十畝貸之種粒而驗所收穫量數取之逮秋復隸  
兵伍且戰且耕公私俱利亦望被俘之民易於招  
集也詔施行之

屯田軍

熙宗皇統五年創置凡女直契丹之人皆自本部徙  
居中州與百姓雜處計其戶口授以官田春秋量給

衣馬若遇出兵始給其錢糧自燕山之南淮隴之北  
皆有之多至六萬人皆築壘於村落間世宗大定二  
年命刑部尚書蘇保衡與工部尚書宋永兵部侍郎  
完顏額哩頁往河南山東陝西宣問屯田軍人有曾  
破大敵及攻城野戰立功者具姓名以聞或以寡敵  
衆或與敵相當能先登敗敵者正軍及擐甲阿爾錫  
補官一階明安穆昆以功狀上尚書省曾隨海陵軍  
至淮上破敵者亦准上遷賞衛紹王大安三年徵陝

西屯田軍衛中都以鳳翔治中盧庸僉三司事主兵  
食至潞州放還

家戶軍

人丁軍

皆民軍也家戶軍以家產高下定人丁軍以丁數多  
寡定諸稱家戶者不以丁數論故家口至於乏絕人  
丁至於傭賤俱不得免熙宗皇統二年春雲中家戶  
軍女戶陳氏婦姑持產業契書共告於元帥府以父

子俱陣亡無可充軍願盡納產業於官以免軍役元帥怒其阻壞軍法殺之

### 硬軍

海陵正隆六年五月令諸處統軍擇其精於射者得五千人皆用茸絲聯甲紫茸為上黃茸青茸次之號硬軍亦曰細軍

### 陝西勇敢軍

衛紹王崇慶元年五月僉陝西勇敢軍二萬赴中都

花帽軍

完顏仲元本姓郭氏大安中李雄募兵與完顏阿林  
俱應募累功至節度使賜姓完顏宣宗時此軍最強  
號花帽軍貞祐四年詔以招撫使完顏仲元完顏阿  
林軍猥多差為三等上等備征伐中下給戍守懦弱  
者皆罷去量給地以贍其家

兵志曰元制凡邊境置兵之州三十八鳳翔延安  
鄧鞏熙泗頴蔡隴秦河海壽唐商洮蘭會積石鎮



戎保安綏德保德環葭澳寧邊東勝淨慶來遠桓  
昌海蘭博索扶餘率賓呼爾哈置於要州者十一  
南京東京益都京兆太原臨洮臨潢豐泰撫蓋及  
宣宗南遷虜軍潰去兵勢益弱遂盡擁明安戶之  
老稚渡河僞置諸總管府以統之器械既缺糧糈  
不給僅存其名而已

欽定續文獻通考卷一百二十七